

Savjeta u odnosu na razloge navedene u zahtjevu za prijevremeno razrješenje, kao i pisano izjašnjenje člana Savjeta za čije razrješenje je podnesen zahtjev, najkasnije sedam dana od dana održavanja sjednice Savjeta.

- (5) Svaki član Savjeta je ovlašten da usmeno neposredno na sjednici Savjeta ili pismeno inicirati donošenje prijedloga Savjeta za prijevremeno razrješenje bilo kojeg člana Savjeta.
- (6) Procedura postupanja Savjeta po prijedlogu iz stava (1) ovog člana preciznije će se urediti poslovníkom o radu Savjeta.

Član 14.

(Ostavka na dužnost)

- (1) U slučaju da se u toku trajanja mandata bilo kojeg člana Savjeta pojave razlozi zbog kojih imenovani član više ne ispunjava uslove kako je propisano zakonom, ovim pravilnikom ili uslove koji su propisani statutom ili drugim relevantnim aktom ustanova, odnosno institucija i udruženja iz člana 3. stav (1) ovog pravilnika, isti je obavezan podnijeti ostavku na dužnost člana Savjeta odmah po nastupanju tih razloga.
- (2) Ukoliko član Savjeta u slučajevima iz stava (1) ovog člana ne podnese ostavku, ustanove, odnosno institucije i udruženja iz člana 3. stav (1) ovog pravilnika koji su prema ovom pravilniku ovlašteni pokrenuti postupak prijevremenog razrješenja člana Savjeta, dužni su po službenoj dužnosti pokrenuti postupak za razrješenje odmah po saznanju za nastupanje razloga iz stava (1) ovog člana.

Član 15.

(Odgovornost za rad)

- (1) Savjet vodi evidenciju i odgovoran je za dokumentaciju proisteklu iz rada Savjeta.
- (2) Savjet za svoj rad odgovora Ministarstvu te su dužni istome dostaviti izvještaj o svom radu jednom godišnje, kao i druge materijale koji proizilaze iz rada Savjeta.

Član 16.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 27/03-02-4156/23
10. marta 2023. godine
Sarajevo

Ministrica
Prof. dr. Aleksandra Nikolić, s. r.

Ministarstvo za odgoj i obrazovanje Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 93. stav (9) Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21), a u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), ministar za odgoj i obrazovanje Kantona Sarajevo, u konsultaciji sa Samostalnim sindikatom osnovnog obrazovanja i odgoja Federacije Bosne i Hercegovine - Kantonalni odbor Kantona Sarajevo, donosi

PRAVILNIK

O IZMJENAMA PRAVILNIKA O IZBORU, NADLEŽNOSTIMA I NAČINU RADA ŠKOLSKIH ODBORA OSNOVNIH ŠKOLA KANTONA SARAJEVO

Član 1.

(Izmjena člana 2.)

U Pravilniku o izboru, nadležnostima i načinu rada školskih odbora osnovnih škola Kantona Sarajevo ("Službene novine Kantona Sarajevo", broj 35/17) u članu 2. stav (2) riječi: "Ministarstva za obrazovanje, nauku i mlade", zamjenjuju se riječima: "Ministarstva za odgoj i obrazovanje".

Član 2.

(Izmjena člana 3.)

U članu 3. stav (1) tačka 1) mijenja se i glasi:

- "1) koje ima smetnje za imenovanje u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 -Ispravka i 52/22- Ispravka);".

Član 3.

(Izmjena člana 4.)

U članu 4. stav (4) tačka c) riječi: "ministru za obrazovanje, nauku i mlade", zamjenjuju se riječima: "ministru za odgoj i obrazovanje".

Član 4.

(Izmjena Obrasca 1)

Obrazac 1 mijenja se i sastavni je dio ovog pravilnika.

Član 5.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-05/02-02-5482-5/23
13. marta 2023. godine
Sarajevo

Ministrica
Naida Hota-Muminović, s. r.

Bosna i Hercegovina
Federacija Bosne i Hercegovine
**KANTON
SARAJEVO**
Ministarstvo za odgoj i
obrazovanje



Босна и Херцеговина
Федерација Босне и Херцеговине
КАНТОН САРАЈЕВО
Министарство за одгој и
образовање

Образак 1

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

PRIJAVNI OBRAZAC

na Javni konkurs za izbor i imenovanje predsjednika i članova u školskim odborima
javnih ustanova osnovnih škola Kantona Sarajevo čija konačna imenovanja vrši Vlada
Kantona Sarajevo

PODACI O USTANOVI I POZICIJI ZA KOJU KANDIDAT PODNOSI PRIJAVU	
Naziv ustanove (navesti naziv ustanove)	
Prijavljujem se na sljedeću poziciju u školskom odboru (zaokružiti redni broj):	
1. Predstavnik Ministarstva, predsjednik;	
2. Predstavnik općine na čijem području se škola nalazi, član;	
3. Predstavnik roditelja/staratelja učenika, član;	
4. Predstavnik radnika škole, član.	

PODACI O KANDIDATU			
Ime i prezime			
Ime oca			
Datum rođenja			
Mjesto rođenja			
Državljanstvo			
Zanimanje			
Zaposlen u			
Radno mjesto			
Godina radnog staža	UKUPNO:		U STRUCI:
Adresa stanovanja			
Općina stanovanja			
Kontakt telefon i e-mail adresa			

*Obavezno popuniti sva polja u Prijavnom obrascu. Prijavu popuniti čitko štampanim slovima

Podnosilac prijave

U Sarajevu, _____ godine
